



**R.P. Leonardi Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Vtrum voluntas nihil posset velle, seu appetere prosequendo nisi
sub ratione boni.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

QVÆSTIÖ OCTAVIA.

De Obiecto Voluntatis.

Notandum est, Ab hac quæstione usque ad decimam octauam, D. Thomam explicare naturam actuum voluntatis, quibus homo à prima intentione finis, usque ad ultimam eius consecutionem, prægreditur.

Versantur autem hi actus partim circa finem, partim circa media, Circa finem versantur, *Amor, Intentio, Fruatio*. Circa media, *Consilium, Consensus seu Electio, Imperium & Vtus*.

Vt autem explicet naturam actuum voluntatis. Primò agit de obiecto voluntatis. Secundò, de causa mouente. Tertiò, de modo motionis.

ARTICVLVS PRIMVS.

Vtrum voluntas sit tantum boni?

Respondetur affirmatiue.

D V B I V M I.

Vtrum voluntas nihil posset velle seu appetere prosequendo, nisi sub ratione boni?

Quidam Doctores videntur existimare, voluntatem posse appetere malum quā malum, & odīscere bonum quā bonum; sic vt malum placet quia malum, & bonum displiceat quia bonum est. Quæ sententia tribui solet Occamo & Maiori, & alijs quibusdam.

Occam sub ratione mali, appeti non potest.
Verum contraria sententia, scilicet malum sub ratione mali appeti non posse ab ylla voluntate, est communis Doctorum; neque puto, si recte explicetur; à quoquam negari posse: & meo iudicio Occamus & Maior in re ipsa non dissentiant ab hac sententia. Occam enim in 3. q. 13. dub. 3. vbi de hac re agit, solum docet malum quod verè est & cognoscitur esse malum, posse acceptari; vt cultum idolorum: non tamen excludit omnem speciem boni; v. g. commodi; honoris, &c. Maior verò clarè requirit aliquam speciem boni; vt videre est in 4. d. 49. q. 6.

Dionysius.
Probatur Primo, Auctoritate Dionyli lib. de Diuinis nominibus cap. 4. parte 4. versus finem: *Boni gratia omnia sunt, & que bona, & que bona contraria; nam & hec boni appetitus aggredimur. Nemo enim in malum intuens agit que operatur: idcirco neque hypothesi habet malum, sed prætermissio (id est, adiaceret hypothesi) dum boni gratia, & non sui ipsius geritur. Et infra: Itaque malum, est præter viam, præter intentionem, præter naturam, præter causam, præter principium, præter finem, præter terminum, præter voluntatem, præter hypothesis.*

Augustinus.
Augustinus lib. 2. Confess. cap. 4. docet, Omne peccatum committi ex appetitione altius boni, quamvis insini. Et cap. 5. dicit, *Omne peccatum tendere ad aliquid habens speciem boni, quod tamen in Deo est verum bonum. Sentiit igitur Augustinus, ne in peccatis quidem, malum sub ratione mali appeti posse.*

Anselmus de Concordia gratiæ & liberi arbitrii *Anselmus;* versus finem: *Instrumentum volendi (id est, ipsa potentia voluntatis) duas habet aptitudines, quas voca affectiones, quarum una est ad volendum commoditatem, altera ad volendum rectitudinem; nempe nihil vult voluntas, quæ est instrumentum, nisi aut commoditatem, aut rectitudinem: quidquid enim aliud vult, aut propter commoditatem aut rectitudinem vult; & ad has, etiam si fallitur, putat se referre quod vult. Vbi per rectitudinem, intelligit bonum honestum, quod ibidem tempore vocat iustitiam. Per commoditatem, intelligit quidquid vello modo delectabile, vel naturæ commodum. Per id quod appetitur propter hanc, intelligit bonum vitale. Itaque aperte indicat Anselmus, nihil posse appeti nisi ob bonum honestum, vel aliquo modo commodum.*

His addit testimonium Aristotelis 1. Ethic. *Addit Ari-* *stotelema-* *cap. 1. Omnis ars & methodus, omnis actus & electio bonum aliquod appetere videtur; unde recte pronuntia-* *runt (Veteres) Bonum esse quod omnia appetunt.*

Secundò probatur ratione. Prima ratio, id quod in ceteris rebus est inclinatio naturalis, seu *Ex ratione,* motus sequens naturalem inclinationem, id in rebus cognitione prædictis est inclinatio appetitus sensitiū, vel rationalis: atqui illa non potest tendere, nisi in id quod est rei secundum naturam conueniens: ergo neque hæc potest tendere nisi in id quod est rei conueniens secundum apprehensionem. Sicut enim illa inclinatio sequitur naturam rei, ita hæc sequitur apprehensionem.

Secunda ratio, Intellexus non potest assentiri falso quia falsum; sed solum quia verum, vel speciem veri habet: ergo similiter voluntas non potest appetere malum quia malum; sed solum quia bonum, vel speciem boni habet. Patet consequentia, quia non minus voluntas abhorret à malo, quam intellectus à falso.

Tertia, Nihil ob eandem rationem potest esse appetendum & fugiendum: atqui malum, quia malum, est fugiendum: ergo non potest esse expetendum.

Quarta, Malum non potest esse expetendum, cum nihil habeat quo aliciat voluntatem: ergo si expetatur; id solum erit propter aliquid bonum ei coniunctum. Quod Confirmatur. Experienciam: Quia nemo umquam peccavit appetendo, quin spectauerit aliquid boni, vel speciem boni habens; vt honorem, laudem, diuitias, voluptates, vindictam, & similia.

Obijicitur Primo, Quidam appetunt non esse, & verti in nihilum; vt colligatur Tob. 3. & 10. & *Solunus* constat experientiam: atqui non esse, non solum est obiectum malum, sed etiam summum malum; est enim pri-*nos.* uatio omnis boni: ergo. &c.

Respondeo, non esse, dupliciter spectari posse; *Quomodo* Primo, Secundum se nudè: sic nemo potest illud appetere. Secundò, vt includit liberationem à miseria: sic potest appeti; quia habet rationem cuiusdam boni. Sicur enim tristitia & dolor est quoddam malum positum homini, ita carere miseria, est quoddam bonum negatiuum. Neque *Non esse, posse app-* *verum*

verum est id quod subsumitur, nempe quod non esse, sit summum malum; quia malum requirit subiectum; est enim priuatio boni, non pura negatio. Vnde Dionysius loco citato ait, *malum non habere hypostasin, sed πρόπτερόν αὐτού*, quia videlicet adiacet bono. Potest tamen largè vocari malum, quatenus est negatio boni, quod fuit. Adde, quod damnatio sit malum positivum, quod longe pluris estimatur, & deterius est damnatis, quam negotiuum, quale est non esse: vnde malunt hoc malum negotiuum, quam afflictionem damnationis. Imò quod cupiant Non esse, est ex amore sui esse: vt enim suum ipsorum esse liberum sit tanto malo, optant non esse; idque secundum rectam rationem; quia est illis melius non esse, quam sic esse; vt aperte colligitur Matth. 26.

Objicitur Secundo, Demones appetunt peccatum, quia est offensio Dei: Atqui hoc modo peccatum habet rationem puri mali: ergo &c.

Respondeo, Appetunt quidem peccatum, quia est offensio Dei; sed non ibi sicut; verum id referunt ad aliquid, quod speciem boni habet. Appetunt enim id, vt se quodammodo de Deo vlciscantur, quod ipsi apprehendunt tamquam sibi commodum. Sicut qui aliquid appetit in contumeliam sui inimici.

Objicitur Tertiò, Qui odit inimicum, vult ei malum; idque tantum vt ei male sit: vt docet D. Thomas 2. 2. q. 34. a. 6. Hoc enim differt odium ab ira; quod odium velit malum, quia malum; ira autem velit malum sub ratione iusta vindictæ.

Respondeo, Qui odit inimicum, vult illi quidem malum, vt male sit illi; sed ratio cur hoc totum velit, est; vt sibi bene sit: nam inimico malum esse, apprehendit sub ratione sui boni.

Objicitur Quartò, Potest quis nolle beatitudinem, & velle cā carere: atqui in hoc nullum est bonum: ergo potest velle purum malum. Major probatur Primo, Quia multi optant non esse, & numquam fuisse; & consequenter non esse beati; qui enim vult antecedens, vult consequens, quod necessariò inde sequi vider. Secundo, Quia Deus, supposita præuisione, quā præuidet Petrum in peccatis moriturum, potest ei damnationem suam futuram reuelare, & si nolle vt sit beatus: atqui Petrus potest se huic diuinę voluntati conformatre: ergo potest velle non esse beatus.

Relponent quidam, Hominem posse nolle beatitudinem in particulari, qua consistit in visione Dei: non tamen beatitudinē in genere, quae est plenitudo boni, & carentia mali. Sed si quis bene aduerterat, videbit utriusque eandem rationem, supposita certa cognitione in homine, quia scia plenitudinem boni, & carentiam mali non posse haberi nisi in visione Dei; vt recte Scotus in 4. d. 49. q. 10:

Vnde Respondeo, Et si beatitudo sue in genere sue in particulari considerata, non possit respui secundum se & solitariè accepta, cum nihil habeat in se, cur possit displicere: tamen si spectetur vt habet coniunctum laborem in acquirendo, vel vt acquisitione impedit aliud bonum; vel denique vt carentia ipsius apprehendit tamquam mediū ad aliud bonum, sic potest quis nolle beatitudinem, & nolle ad illam conari. Sic enim multi ad vitandum laborem præsentis vita, & ne careant voluptate præsenti, nolunt beatitudinem futu-

ram, modicis bonis contenti. Simili modo Moses, & Apostolus Paulus optabant carere aeterna beatitudine, vt Israël saluus fieret, iuxta Chrysost. Homil. 16, ad Rom, de qua sententia dicendum est 2. 2. q. 26. a. 4. His tamen casibus non rejicitur beatitudo quatenus bona est, sed quatenus habet aliquod malum coniunctum. Neque appetitur priuatio eius, quia malum est; sed quatenus videtur necessaria ad aliquod aliud bonum.

Ad Primam confirmationem; Qui appetit non esse, appetit consequenter, saltē interpretatiæ, carere beatitudine, non ob ipsam beatitudinem; sed vt carere incommodis, quæ ante beatitudinem obtentam deberent subiri. Sicut dictum est sequentia de eo qui expressè non cupit beatitudinem futuram, vt viter labore & incommoda huius vite.

Hinc patet ad confirmationem, Nam si quis eo casu nollet esse beatus; id non nollet, quatenus appetit illud beatitudo est bona; sed quatenus est iniusta; & vellet ea carere, quia id iustum & conforme diuinæ voluntati.

Objicitur Quinto, Propositis duobus æqualiter bonis, potest voluntas alterum respire eleto altero, hac sola ratione; quia sic placet: ergo poterit aliquid velle, vbi nihil est boni: nam ipsius beneplacitum erit sufficiens ratio.

Respondeo Negando Consequentiam. Beneplacitum enim voluntas est sufficiens ratio acceptandi alterum præ altero, quando utrumque est bonum; non tamen quando in obiecto nihil boni apprehenditur.

Objicitur Sexto, Si voluntas non potest appetere malum, & odire bonum, non poterit mereri in appetitione beatitudinis, & detestatione aeternæ misericordie. Probatur, Quia necessariò illam appetet, & hanc fugit.

Respondeo, Voluntas non appetit beatitudinem necessariò secundum exercitum actus (sic enim numquam posset ab illo actu cessare) sed liberrime; vnde in illa appetitione mereri potest: nam libertas exercitii sufficit ad meritum. Secundum specificationem actus necessariò quidem illam appetit; sed hoc non obstat merito: nihil enim hoc aliud est; quā, illam secundum se non posse odio haberi.

D V B I V M I I.

Virū voluntas semper absolute feratur in bonum, & quidem in tale, quod etiam absolute sit bonum; an aliquando sub conditione, & in bonum sub conditione?

Quidam docent Primo, Voluntatem affectu presenti numquam ferri sub conditione in aliquod obiectum; sed semper absolute: vnde omnem actum voluntatis esse absolutum, nullum conditionatum. Itaque non dari ullum affectum voluntatis presentem, qui explicetur per Velle; sed omnem explicari per Volo. Confirmatur à simili, in sensu & intellectu: nullus enim est actus sensus vel intellectus qui feratur sub conditione in suum obiectum; sed omnis fertur absolute. Vnde nullus est actus præsens qui explicetur per Viderem, Intelligerem; sed omnis præsens explicatur per, Video, Intelligo.

Secundo, Docent voluntatem affectu præsenti numquam fieri in obiectum sub conditione con-

E iiiij sideratum

Potest quis
velle ma-
lum quā
malum al-
teri, non
fibi.

Quomodo
posset ho-
mo nolle
beatitu-
dinem.